

0200
R
B

UGOVOR

o pružanju usluga redovnog tehničkog pregleda liftova

Zaključen u Sarajevu između:

Zavoda zdravstvenog osiguranja Kantona Sarajevo, Ul. Ložionička broj 2 (u daljem tekstu Ugovorni organ), kojeg zastupa direktor Mr.sci.oec.prim.spec.dr.Samir Turković

i

MULTITEH INŽENJERING d.o.o. Zenica, Ul. Envera Čerkeza broj 2 (u daljem tekstu Pružalac usluga), kojeg zastupa direktor Maja Karamuja.

PREDMET UGOVORA

Član 1.

Predmet ovog Ugovora je regulisanje prava i obaveza između Ugovornog organa i Pružaoca usluga kao izabranog ponuđača u postupku javne nabavke putem direktnog sporazuma za nabavku usluga redovnog tehničkog pregleda liftova u poslovnim prostorijama Zavoda zdravstvenog osiguranja Kantona Sarajevo za period od 4 godine u svrhu provjere sigurnosti liftova i izdavanja certifikata i upotrebne dozvole, na osnovu Zahtjeva za pokretanje nabavke broj 03-02-I-25507/18 od 12.07.2018. godine, Odluke o pokretanju postupka putem direktnog sporazuma broj 03-08-Dž.H.N.-25507-OPP/18 od 24.09.2018. godine, Poziva na dostavljanje ponude broj 03-08-Dž.H.N.-25507-PDP/18 od 24.09.2018. godine, ponude Pružaoca usluga broj: 03-10/2018-KM-1 od 03.10.2018. godine, Zahtjeva za prihvatanje ispravke računске greške broj 03-08-Dž.H.N.-25507-IRG/18 od 15.10.2018. godine koji je prihvaćen od strane Pružaoca usluga, a u skladu sa Odlukom o prihvatanju ponude broj 03-08-Dž.H.N.-25507-OI/18 od 23.10.2018. godine.

PREDMET NABAVKE

Član 2.

- (1) Usluge koje su predmet ovog Ugovora su usluge redovnog tehničkog pregleda svih liftova u vlasništvu Zavoda zdravstvenog osiguranja Kantona Sarajevo što uključuje sljedeće liftove:
- a) Električni putnički lift sa 13 stanica, nosivosti do 860 kg;
 - b) Električni putnički lift sa 2 stanice, nosivosti do 630 kg;
 - c) Električna invalidska platforma nosivosti do 100 kg.
- (2) Usluge redovnog tehničkog pregleda liftova koje su predmet ovog Ugovora moraju obuhvatiti sve postupke koji su zakonski obavezni za predmetne usluge u skladu sa važećom regulativom u predmetnoj oblasti tj. Naredbom o sigurnosti liftova („Službeni glasnik BiH“ broj 99/12).
- (3) Kod redovnog tehničkog pregleda liftova, Pružalac usluga provodi sljedeće postupke:
- a) provjerava ispravno djelovanje opreme za sigurnost i zaštitu,
 - b) provjerava ispravnost druge opreme koja bi mogla utjecati na sigurnost,
 - c) provjerava da li su na liftu nastale promjene koje mogu utjecati na sigurnost,
 - d) provjerava da u okolini nisu nastale promjene koje mogu utjecati na sigurnost,
 - e) provjerava da kod upotrebe lifta ne dolazi do promjena koje mogu utjecati na sigurnost,
 - f) provjerava da se na liftu nalaze sve oznake i upute za upotrebu, održavanje i spašavanje lica iz lifta,
 - g) provjerava da li su u knjigu održavanja lifta upisane sve promjene nastale od posljednjeg redovnog tehničkog pregleda,
 - h) provjerava da li su od posljednjeg redovnog tehničkog pregleda uklonjeni svi nedostaci prema izvještaju o obavljenom redovnom tehničkom pregledu.

0282N
fu
i) sve ostalo što po zakonu i prirodi posla spada u navedene usluge.

Član 3.

Mjesto pružanja usluga su poslovne prostorije Ugovornog organa u Sarajevu na adresama kako slijedi:

- Direkcija, Ul. Ložionička 2 (lift sa 13 stanica);
- Poslovnica Novi Grad – Novo Sarajevo, Ul. Zmaja od Bosne bb (lift sa 2 stanice);
- Poslovnica Centar – Stari Grad, Ul. Hamdije Kreševljakovića 14 (invalidska platforma).



OBAVEZE UGOVORNIH STRANA

Član 4.

(1) Pružalac usluga se obavezuje pružiti usluge redovnog godišnjeg tehničkog pregleda liftova u vlasništvu Ugovornog organa koje kvalitetom i obimom u svemu odgovaraju karakteristikama preciziranim u Pozivu na dostavljanje ponude broj 03-08-Dž.H.N.-25507-PDP/18 od 24.09.2018. godine, na način i u rokovima regulisanim ovim Ugovorom, prihvaćenom ponudom Pružaoca usluga i u skladu sa Naredbom o sigurnosti liftova („Službeni glasnik BiH“ broj 99/12).

(2) Pružalac usluga se obavezuje da će usluge redovnog tehničkog pregleda liftova vršiti jednom godišnje na osnovu primljene narudžbenice.

Član 5.

(1) Ugovorni organ se obavezuje da od strane Pružaoca usluga prihvati izvršene usluge koje su Predmet ovog Ugovora ukoliko iste odgovaraju ugovorenom kvalitetu.

(2) Ugovorni organ se obavezuje da nakon izvršenih usluga koje su predmet ovog Ugovora, saglasno Narudžbi, ukoliko iste odgovaraju ugovorenom kvalitetu, plati ugovorenu cijenu na način i u rokovima određenim u Pozivu na dostavljanje ponude broj 03-08-Dž.H.N.-25507-PDP/18 od 24.09.2018. godine, ponudi Pružaoca usluga broj: 03-10/2018-KM-1 od 03.10.2018. godine, Zahtjevu za prihvaćanje ispravke računске greške broj 03-08-Dž.H.N.-25507-IRG/18 od 15.10.2018. godine koji je prihvaćen od strane Pružaoca usluga i ovim Ugovorom.

Član 6.

(1) Cijena usluga koje su predmet ovog Ugovora ukupno iznosi 2.200,00 KM bez PDV-a, tj. 2.574,00 KM sa PDV-om za period od 4 godine, na koliko se ugovor i zaključuje.

(2) Pružalac usluga se obavezuje da će usluge koje su predmet ovog Ugovora pružiti po jediničnim cijenama kako je navedeno u sljedećoj tabeli:

R br	Opis usluge	Jedinica mjere	Jedinična cijena bez PDV-a za 1 (jednu) godinu	Ukupna cijena bez PDV-a za 4 (četiri) godine
-	-	-	A	A x 4
1	Redovni tehnički pregled električnog osobnog lifta sa 13 stanica, nosivosti do 860 kg	1 godišnji pregled	200,00	800,00
2	Redovni tehnički pregled električnog osobnog lifta sa 2 stanice, nosivosti do 630 kg	1 godišnji pregled	200,00	800,00
3	Redovni tehnički pregled električne invalidske platforme nosivosti do 100 kg	1 godišnji pregled	150,00	600,00
Ukupna cijena za sve stavke bez PDV-a				2.200,00
PDV na cijenu ponude (sa uračunatim popustom)				374,00
Ukupna cijena za Ugovor				2.574,00

(3) Pružalac usluga se obavezuje da će usluge koje su predmet ovog Ugovora pružiti po ukupnoj cijeni u kojoj je računat PDV i svi drugi zavisni troškovi.

Član 7.

(1) Plaćanje Pružaocu usluga će se izvršiti nakon pružanja usluga koje su predmet ovog Ugovora, a ispravno dostavljene fakture Ugovornom organu uz koju moraju biti priloženi narudžbenica i radni nalog ovjereni od strane ovlaštene osobe ispred Ugovornog organa u roku do 60 dana od ispostave ispravne fakture.

(2) Rok za računanje odgode plaćanja započinje od momenta kada Pružalac usluga pruži usluge koje su predmet ovog Ugovora te ispravno dostavi fakturu Ugovornom organu.

OSTALE OBAVEZE UGOVORNIH STRANA

Član 8.

(1) Pružalac usluga nakon obavljenog redovnog tehničkog pregleda lifta sastavlja izvještaj o obavljenom redovnom tehničkom pregledu lifta te izdaje certifikat i upotrebnu dozvolu za sve liftove. Izvještaj mora sadržavati sve eventualne nedostatke na liftu i potrebne postupke za otklanjanje istih i rok za njihovo otklanjanje.

(2) Nakon obavljenog pregleda, Pružalac usluga upisuje u knjigu održavanja lifta datum obavljenog redovnog tehničkog pregleda lifta, naziv imenovanog tijela za tehnički pregled lifta koje je obavilo redovni tehnički pregled lifta tj. svoj naziv, identifikacijski broj lifta, nedostatke koji bitno narušavaju sigurnost korisnika i rok za njihovo otklanjanje, te da li je dozvoljena upotreba lifta.

(3) Ako lift ne zadovoljava zahtjeve iz člana 2. stav (3) ovog Ugovora koji bitno narušavaju sigurnost korisnika, Pružalac usluga privremeno će staviti lift van upotrebe (isključiti pogon lifta). Pružalac usluga o tome odmah u pisanoj formi obavještava nadležnog inspeksijskog organa, održavatelja lifta i vlasnika lifta.

(4) Pružalac usluga može dozvoliti rad lifta na određeno vrijeme, ako nije bitno narušena sigurnost korisnika lifta, u kojem Ugovorni organ mora otkloniti nedostatke. Otklonjene nedostatke mora u knjizi održavanja lifta potvrditi održavatelj lifta te o tome obavijestiti Ugovorni organ i Pružaoca usluga. Ako Ugovorni organ ne otkloni nedostatke u roku, Pružalac usluga mora o tome obavijestiti nadležni inspeksijski organ.

Član 9.

U slučaju potrebe za uslugama većeg obima, izvan okvira ugovornih obaveza pružanja usluga redovnog tehničkog pregleda liftova, Pružalac usluga je obavezan tražiti saglasnost Ugovornog organa, te obrazložiti potrebu izvođenja istih i priložiti važeći cjenovnik.

Član 10.

(1) Pružalac usluga je dužan za vrijeme trajanja ovog Ugovora da, bez odlaganja, informiše Ugovorni organ o okolnostima koje bi mogle uticati na važenje njegove akreditacije od strane nadležnog tijela za akreditiranje.

(2) Pružalac usluga je dužan za vrijeme trajanja ovog Ugovora da, bez odlaganja, obavijesti Ugovorni organ ukoliko ima saznanja da će nadležno Ministarstvo povući njegovo ovlaštenje za obavljanje poslova tehničkog pregleda lifta.

Član 11.

Pružalac usluga je dužan da pismenim putem obavijesti Ugovorni organ o isteku upotrebnih dozvola za liftove koji su u vlasništvu Ugovornog organa jedan (1) mjesec dana prije isteka upotrebnih dozvola.

ROK PRUŽANJA USLUGE

Član 12.

Rok pružanja usluge je 7 dana od momenta dostave narudžbenice.

Član 13.

- (1) Pružalac usluga ima pravo na produženje ugovorenog roka ako je u vršenju usluge tehničkog pregleda liftova bio spriječen izvanrednim događajima koji se nisu mogli predvidjeti u vrijeme zaključenja ovog Ugovora.
- (2) Izvanrednim događajima se smatraju:
 - a) prirodni događaji koji se smatraju višom silom (poplave, zemljotres i druge prirodne nepogode),
 - b) mjere državnih organa.
- (3) Pružalac usluga je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.
- (4) Ako Pružalac usluga zakasni sa pružanjem usluga iz razloga koji nisu obuhvaćeni članom 12. ovog Ugovora, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju i snosit će svu štetu za Ugovorni organ (npr. dodatni troškovi, izmakla dobit, itd.) nastalu uslijed kašnjenja u pružanju usluga.

NAKNADA ŠTETE

Član 14.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest) dana od dana postavljenog kompletiranog i osnovanog zahtjeva za isplatu naknade.

Član 15.

- (1) Ukoliko uslijed nemara ili krivice Pružaoca usluga Ugovorni organ pretrpi štetu, Pružalac usluga je dužan naknaditi štetu Ugovornom organu u stvarnom iznosu.
- (2) Ukoliko Pružalac usluga ne izvrši neke usluge kako je navedeno u narudžbenici Ugovornog organa, dužan je Ugovornom organu nadoknaditi štetu u vrijednosti iste. Ugovorni organ je ovlašten da ovu štetu naplati umanjnjem pristiglih a neplaćenih faktura, za vrijednost nepruženih usluga.
- (3) U slučaju neurednog pružanja usluga ili zakašnjenja u izvršavanju ugovornih obaveza od strane Pružaoca usluga, a kao rezultat nepažnje Pružaoca usluga ili njegovog osoblja, neovisno da li je nastupila šteta takvim postupanjem, Ugovorni organ ima pravo da Pružaocu usluga plaćanje po fakturi za pružene usluge u kašnjenju umanjji za iznos do 20% od iznosa fakture.

Član 16.

- (1) Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Pružaocu usluga izvršiti obeštećenje izazvano kašnjenjem u visini od 20% na iznos neplaćene fakture.

(2) Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.



PRESTANAK UGOVORA

Član 17.

(1) Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana, a najkasnije u roku od 4 (četiri) godine dana od datuma obostranog potpisivanja ovog Ugovora.

(2) Ugovor može prestati i prije njegovog izvršenja, u slučaju raskida.

Član 18.

(1) Obje ugovorne strane mogu raskinuti ovaj Ugovor:

- a) u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;
- b) u svim ostalim slučajevima propisanim zakonom.

(2) Ugovorna strana koja želi da raskine ugovor je dužna prethodno pisanim putem pozvati drugu ugovornu stranu na ispunjenje ugovorene obaveze.

(3) Ugovor se raskida pismenom izjavom koja se dostavlja drugoj ugovornoj strani.

(4) U izjavi mora biti naznačeno po kom osnovu se Ugovor raskida, kao i dostavljen dokaz da je druga ugovorna strana prethodno, također pisanim putem, pozvana na ispunjenje ugovorene obaveze.

(5) U svakom slučaju Ugovor se ne može raskinuti zbog neizvršenja neznatnog dijela ugovornih obaveza.

Član 19.

(1) Ugovorni organ može raskinuti ovaj Ugovor:

- a) ako Pružalac usluga ne izvrši ugovorenu obavezu u pogledu kvaliteta tj. ako se utvrdi da pružene usluge ne ispunjavaju kriterije iz ponude temeljem kako je zaključen Ugovor;
- b) ukoliko se utvrdi da Pružalac usluga krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima;
- c) ako je zaostajanje u vršenju usluge koja je predmet ugovora takvo da može dovesti u pitanje izvršenje ugovora ali samo ako je do zaostajanja došlo krivicom Pružaoca usluga;
- d) u svim ostalim slučajevima propisanim zakonom.

(2) Iz razloga propisanih stavom 1. alineje a), c) i d) ovog člana Ugovorni organ može raskinuti ovaj Ugovor samo ako je prethodno upućen pisani poziv Pružaocu usluga sa zahtjevom za ispunjenjem ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

(3) Ugovorni organ ne smije mijenjati Pružaoca usluga dok god nisu otklonjeni svi nedostaci za koje je Pružalac usluga propisao rok za otklanjanje. Pružalac usluga mora utvrditi da li su u roku otklonjeni svi nedostaci.

Član 20.

(1) Pružalac usluga može da raskine ugovor ako Ugovorni organ uslijed vlastite krivice ne izvrši svoje ugovorne obaveze.

(2) U svakom slučaju Pružalac usluga neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

OSTALE ODREDBE

Član 21.

Za sve ono što nije regulisano ovim Ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

Član 22.

- (1) Svi sporovi koji eventualno nastanu iz ovog Ugovora rješavat će se sporazumom ugovornih strana.
- (2) Ako se spor ne riješi na taj način, za sudsko odlučivanje određuje se mjesna nadležnost suda u Sarajevu.

Član 23.

Pružalac usluga nema pravo zapošljavati, u svrhu izvršenja ovog Ugovora fizička ili pravna lica koja su učestvovala u proceduri javne nabavke putem direktnog postupka za nabavku ovih usluga ispred Ugovornog organa najmanje šest mjeseci po zaključenju Ugovora, odnosno od početka realizacije Ugovora.

ZAVRŠNE ODREDBE

Član 24.

Sastavni dio ovog Ugovora su:

- a) Odluka o pokretanju postupka putem direktnog sporazuma broj 03-08-Dž.H.N.-25507-OPP/18 od 24.09.2018. godine;
- b) Poziv na dostavljanje ponude broj 03-08-Dž.H.N.-25507-PDP/18 od 24.09.2018. godine;
- c) Ponuda Pružaoca usluga broj: 03-10/2018-KM-1 od 03.10.2018. godine;
- d) Zahtjev za prihvaćanje ispravke računске greške broj 03-08-Dž.H.N.-25507-IRG/18 od 15.10.2018. godine koji je prihvaćen od strane Pružaoca usluga;
- e) Odluka o prihvatanju ponude broj 03-08-Dž.H.N.-25507-OI/18 od 23.10.2018. godine.

Član 25.

- (1) Ovaj Ugovor stupa na snagu danom potpisivanja od strane obje ugovorne strane.
- (2) Ukoliko ugovorne strane ne potpišu Ugovor na istovjetan datum, danom stupanja na snagu Ugovora ima se smatrati kasniji datum potpisa.

Član 26.

Ovaj Ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Pružalac usluga

MULTITEH INŽENJERING
d.o.o.


Maja Karamuja


Ugovorni organ


ZDRAVSTVENI OSIGURANJA
KANTON SARAJEVO



Broj: 54412018-KM
Datum: 27.11.2018

Broj: 03-08-Dž.H.N.-25507-UG/18
Datum: 08.11.2018. godine.